

Rizlan bin Rizman,  
Taman Permata 3,  
43100 Sabak Bernam,  
Selangor Darul Ehsan.

---

Tuan Pengetua,  
Sekolah Menengah Kebangsaan Sri Mawar,  
Sungai Air Tawar,  
43100 Sabak Bernam,  
Selangor Darul Ehsan.

5 JANUARI 2017

Tuan,

Rayuan Permohonan Biasiswa

Berhubung dengan perkara di atas, saya Rizlan bin Rizman, pelajar Tingkatan 5 Zuhrah ingin membuat rayuan tentang permohonan biasiswa kepada tuan.

2. Pada 3 Januari yang lalu, saya telah dimaklumkan oleh guru tingkatan bahawa saya telah gagal mendapat biasiswa sekolah ini. Kegagalan ini amat mengecewakan saya kerana keluarga saya amat memerlukan bantuan biasiswa ini bagi meringankan beban perbelanjaan persekolahan saya. Sehubungan dengan itu, saya ingin membuat rayuan agar tuan dapat mempertimbangkan semula keputusan tersebut agar saya memperoleh biasiswa.

3. Untuk makluman pihak tuan, saya merupakan anak sulung daripada enam orang adik-beradik. Bapa saya, Encik Rizman bin Ruzaini adalah seorang pengawal keselamatan manakala ibu saya, Puan Normala binti Yaakub pula adalah seorang surirumah sepenuh masa. Bapa saya memperoleh pendapatan sebanyak RM1200 sebulan. Jumlah perbelanjaan tersebut hanya cukup untuk menampung perbelanjaan kami sekeluarga walhal perbelanjaan sekolah masih berkurangan.

4. Bapa saya juga adalah seorang peghidap penyakit darah tinggi. Keadaan penyakit ini menyebabkan bapa saya tidak dapat bekerja sengan sepenuhnya. Malahan, dia kerap diwadkan di hospital kerana masalah kesihatan ini. Keadaan ini sudah tentu memburukkan masalah kewangan kami sekeluarga. Tambahan pula, kesemua lima orang adik saya juga sedang bersekolah. Bagi meringankan beban kewangan keluarga, saya terpaksa bekerja selepas sesi persekolahan sebagai tukang cuci pinggan di restoran. Hal ini telah mengganggu waktu ulangkaji saya dan akan menyebabkan prestasi pelajaran saya merosot.

5. Saya berharap agar rayuan ini mendapat pertimbangan yang sewajarnya daripada pihak tuan. Jika pihak tuan memberikan kelulusan terhadap rayuan ini, saya berjanji akan belajar dengan bersungguh-sungguh demi meningkatkan keputusan akademik saya sekaligus mengubah masa depan keluarga saya.

6. Kelulusan tuan dalam rayuan ini sangat saya hargai. Saya yakin bahawa tuan amat prihatin dengan masalah yang saya hadapi.

Sekian, terima kasih.

Yang benar,

*Rizlan bin Rizman*

.....

**RIZLAN BIN RIZMAN**